

Tarikh Dibaca: 26 Mei 2017M | 29 Syaaban 1438H

KHUTBAH JUMAAT

Tajuk:

“MARHABAN YA RAMADHAN”

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR



SENARAI AHLI JAWATANKUASA KHUTBAH NEGERI SELANGOR 2017

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 3. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 4. Yg. Berbahagia Dr. Haji Osman Bin Haji Sabran (Ahli)**
Pensyarah, Universiti Selangor
- 5. Dato' Haji Abdul Majid Bin Omar (Ahli)**
Ahli Jawatankuasa Fatwa Negeri Selangor
- 6. Tuan Haji Hamid Bin Md Isa (Ahli)**
Pensyarah, Kolej Universiti Islam Selangor
- 7. Tuan Haji Md. Sahari Bin Abdullah (Ahli)**
Ahli Jawatankuasa Fatwa Negeri Selangor
- 8. Tuan Haji Abdul Halem Hapiz Bin Salihin (Ahli)**
Ketua Penolong Mufti (Fatwa), Jabatan Mufti Negeri Selangor
- 9. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 10. Ustaz Indera Shahril Bin Mohd Shahid (Ahli)**
Pegawai Majlis Agama Islam Selangor
- 11. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



“MARHABAN YA RAMADHAN”

الْحَمْدُ لِلَّهِ الْقَائِلِ: يَا أَيُّهَا الَّذِينَ ءَامَنُوا كُتِبَ عَلَيْكُمُ
الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ
تَتَّقُونَ ¹ ﴿١٨٣﴾

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَى ءَالِهِ وَأَصْحَابِهِ أَجْمَعِينَ.
أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ
وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:
يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا
وَأَنْتُمْ مُسْلِمُونَ.

Muslimin yang dirahmati Allah sekalian,

Marilah kita bersama-sama mempertingkatkan ketakwaan kepada Allah SWT dengan melaksanakan segala perintah-Nya dan meninggalkan segala larangan-Nya. Marilah juga kita memperbanyakkan selawat kepada Nabi Muhammad SAW. Di samping sentiasa berusaha melaksanakan segala sunnahnya mudah-mudahan kita mendapat keredhaan Allah di dunia dan di akhirat.

¹ Al-Baqarah ; 183



Khutbah pada hari ini bertajuk **“MARHABAN YA RAMADHAN”**.

Hadirin yang dirahmati Allah SWT,

Sedar mahupun tidak, kehadiran Ramadan yang sangat dinanti-nanti kini tiba lagi. Sebagai orang yang beriman sudah tentu menyedari bahawa ia merupakan rahmat daripada Allah SWT kepada hamba-hamba-Nya. Bahkan kita memahami bahawa Ramadan bukan hadir dengan ‘tangan kosong’, tetapi dipenuhi ganjaran dan dilimpahi dengan pahala berganda daripada Allah SWT. Justeru, wajarlah kita menerima kehadiran Ramadan kali ini dengan memuliakannya dan memperbanyakkan amalan-amalan soleh.

Ramadan merupakan bulan ibadah dan tarbiah iaitu bulan yang mendidik setiap individu muslim agar kembali mengabdikan diri kepada Allah SWT. Ibadah puasa misalnya, bukan sekadar menahan diri daripada lapar dan dahaga, bahkan ia juga berperanan mendidik mata daripada melihat perkara yang diharamkan, telinga daripada mendengar umpatan, lidah daripada menuturkan fitnah, berbohong dan cacian, tangan daripada melakukan dosa dan maksiat, kemaluan daripada melakukan kemaksiatan dan kaki daripada melangkah ke arah kejahatan dan kemungkaran. Sesungguhnya puasa mendidik kita bersifat ihsan dengan menjadikan kesemua anggota tubuh badan kita beribadah kerana Allah SWT dan melaksanakan tuntutan agama dengan penuh keikhlasan.

Diharapkan kehadiran Ramadhan pada kali ini dapat mencapai matlamat puasa yang sebenar iaitu untuk menjadikan seorang insan yang bertambah imannya dan tinggi takwanya lebih daripada Ramadhan yang lalu. Firman Allah SWT dalam Surah Al-Baqarah ayat 183;



يَا أَيُّهَا الَّذِينَ ءَامَنُوا كُتِبَ عَلَيْكُمُ الصِّيَامُ كَمَا
كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ ﴿١٨٣﴾

"Wahai orang-orang yang beriman! Diwajibkan kamu berpuasa sebagaimana diwajibkan ke atas orang-orang yang terdahulu daripada kamu, supaya kamu bertaqwa."

Muslimin yang dirahmati Allah sekalian,

Pada bulan ini, Allah SWT membuka peluang keemasan kepada orang yang beriman untuk meraih pahala berganda dan membuka seluas-luasnya pintu keampunan untuk menerima taubat hamba-hamba-Nya.

Ini berdasarkan sebuah hadis daripada Abu Hurairah R.Anhu bahawa Rasulullah SAW bersabda;

مَنْ صَامَ رَمَضَانَ إِيمَانًا وَاحْتِسَابًا غُفِرَ لَهُ مَا
تَقَدَّمَ مِنْ ذَنْبِهِ

"Sesiapa yang berpuasa dibulan Ramadhan dalam keadaan beriman dan mengharap keredhaan Allah SWT, maka akan diampunkan dosa-dosanya yang telah lalu."

(Riwayat Imam Al-Bukhari).

Hadis ini menggambarkan keistimewaan bulan Ramadan dan betapa luasnya kesempatan untuk meraih pahala dan keampunan daripada Allah SWT kepada hamba-hamba-Nya yang bertaqwa.

Para tetamu Allah sekalian,



Ketahuiilah...! Daripada sudut kesihatan pula, puasa adalah merupakan kaedah terbaik bagi memelihara anggota badan daripada pelbagai penyakit. Dr. Hisyam Ibrahim Al-Khatib dalam bukunya 'Al-Wafi Fi At-Tib' (الْوَفَى فِي الطِّبِّ) menjelaskan bahawa puasa memberi peluang kepada organ-organ dalaman tubuh badan untuk memperbetulkan semula sistem penghadaman. Ia juga menjadi penawar yang mujarab kepada penyakit-penyakit kronik seperti tekanan darah tinggi, pertambahan lemak dan peningkatan gula dalam darah. Lihatlah betapa besarnya hikmah Allah SWT mewajibkan hamba-hamba-Nya berpuasa. Selain daripada mampu meningkatkan keimanan dan ketaqwaan ia juga memberi manfaat untuk kesihatan tubuh badan.

Hadirin Jumaat yang dirahmati Allah SWT.

Beberapa persediaan dalam menghadapi Ramadan yang bakal menjelang mestilah dilakukan antaranya ialah;

Pertama: Persediaan ilmu.

Setiap individu muslim berkewajipan untuk menimba ilmu pengetahuan tentang ibadah. Khususnya ibadah yang disyariatkan pada bulan Ramadan. Persediaan ilmu sangat penting kerana ia memberi penjelasan tentang sah ataupun tidak ibadah seseorang di sisi Allah SWT. Dengan ilmu juga, seseorang itu dapat mengetahui kelebihan-kelebihan beribadah pada bulan Ramadan serta *rukhsah* (keringanan) yang berkaitan dengan ibadah tersebut. Bertanyalah kepada alim ulama hukum hakam atau perkara yang kita tidak tahu mengenainya. Firman Allah SWT dalam surah al-Nahl ayat 43;

... فَسْأَلُوا أَهْلَ الذِّكْرِ إِنْ كُنْتُمْ لَا تَعْلَمُونَ ﴿٤٣﴾



"Maka hendaklah kamu bertanya kepada ahli ilmu yang lebih mengetahui sekiranya kamu tidak tahu".

Kedua: Persediaan rohani.

Persediaan ini melibatkan amalan-amalan penyucian jiwa dengan mengikhlaskan diri untuk bersedia mematuhi perintah Allah, melakukan amalan-amalan sunat seperti solat Sunat Tarawih, beristighfar, berzikir, membaca al-Quran, berselawat, qiamullail, beriktikaf, berpuasa sunat dan sebagainya. Hal ini penting kerana ia akan memudahkan seseorang untuk meneruskan tuntutan rohaninya pada bulan Ramadhan. Kita juga dituntut agar bertaubat atas segala dosa yang dilakukan untuk mencari redha-Nya. Firman Allah SWT dalam surah al-Nuur ayat 31;

... وَتُوبُوا إِلَى اللَّهِ جَمِيعًا أَيُّهَ الْمُؤْمِنُونَ لَعَلَّكُمْ
تُفْلِحُونَ

"...dan bertaubatlah kamu sekalian kepada Allah wahai orang yang beriman, agar kamu berjaya".

Ketiga: Persediaan Fizikal.

Untuk menjalani ibadah di bulan Ramadan hendaklah memastikan kebersihan tempat tinggal, tempat ibadah dan tubuh badan kita dalam keadaan sihat dan mampu melaksanakan ibadah biarpun dalam keadaan yang lapar dan dahaga. Kerana itulah, ibadah berpuasa ini bukan sahaja dikhususkan dalam bulan Ramadhan sahaja, bahkan turut dianjurkan juga pada bulan-bulan yang lain bagi ibadah puasa sunat. Orang beriman yang kuat dan mampu melakukan ibadah dengan sempurna akan lebih disayangi oleh Allah berbanding orang beriman yang lemah. Hadis daripada Abu Hurairah R.Anhu bahawa Rasulullah SAW bersabda;



الْمُؤْمِنُ الْقَوِيُّ خَيْرٌ وَأَحَبُّ إِلَى اللَّهِ مِنَ الْمُؤْمِنِ الضَّعِيفِ

"Orang beriman yang kuat lebih baik dan lebih dicintai Allah daripada orang beriman yang lemah".

(Riwayat Imam Muslim).

Sidang Jumaat yang dirahmati Allah SWT

Mengakhiri khutbah ini, marilah kita mengambil pengajaran, antaranya adalah;

1. Setiap umat Islam wajib beriman bahawa puasa Ramadhan adalah wajib keatas lelaki dan perempuan yang mukallaf kecuali mereka yang sakit atau uzur.
2. Setiap umat Islam wajib meyakini bahawa semua perintah Allah dilaksanakan dengan bersungguh-sungguh, ikhlas dan sempurna.
3. Umat Islam hendaklah mempersiapkan diri dengan ilmu, rohani dan jasmani yang kukuh untuk mendapat kesempurnaan beribadah pada bulan Ramadhan.
4. Umat Islam hendaklah menjauhkan diri dari sifat keterlaluan dan pembaziran dalam makan minum ketika berbuka puasa.
5. Umat Islam hendaklah memperbanyakkan amalan solat sunat, membaca al-Quran, bersedekah, dan membayar zakat.

Semoga Ramadan pada kali ini menjadi sebagai titik perubahan dalam diri, keluarga, masyarakat dan ummah kepada yang lebih



cemerlang dan istiqamah. Seterusnya kita diizinkan Allah untuk melangkah masuk ke syurga tanpa sebarang sekatan dan halangan.

أَعُوذُ بِاللَّهِ مِنَ الشَّيْطَانِ الرَّجِيمِ
أَرْجِعِي إِلَىٰ رَبِّكَ رَاضِيَةً مَّرْضِيَّةً ﴿٢٨﴾ فَأَدْخُلِي فِي عِبْدِي
﴿٢٩﴾ وَأَدْخُلِي جَنَّتِي ﴿٣٠﴾

"Kembalilah kepada Tuhanmu dengan keadaan engkau berpuas hati (dengan segala nikmat yang diberikan) lagi diredhai (di sisi Tuhanmu)! Serta masuklah Engkau dalam kumpulan hamba-hamba-Ku yang berbahagia. Dan masuklah ke dalam Syurga-Ku!".

(al-Fajr ; 28-30).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ
هُوَ الْغَفُورُ الرَّحِيمُ.

Shupian/Nurul
12.05.2017



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Oleh itu marilah kita sentiasa memperbanyakkan solawat dan salam ke atas Nabi kita Muhammad SAW. Firman Allah SWT:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا
صَلُّوا عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِنَا وَمَوْلَانَا مُحَمَّدٍ سَيِّدِ
الرُّسُلَيْنِ وَارْضَ اللّٰهُمَّ عَنْ اَصْحَابِهِ وَقَرَابَتِهِ
وَاَزْوَاجِهِ وَذُرِّيَّاتِهِ اَجْمَعِينَ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيعٌ
قَرِيبٌ مُّجِيبُ الدَّعَوَاتِ يَا قَاضِيَ الْحَاجَاتِ. اَللّٰهُمَّ
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِيْنِ، وَنَسْأَلُكَ
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ
بِعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ
سَلَاطُوْر، سُلْطَانَ شَرْفِ الدِّيْنِ اَدْرِيسِ شَاهِ الْحَاجِ
ابْنِ الْمَرْحُومِ سُلْطَانَ صَلَاحُ الدِّيْنِ عَبْدِ الْعَزِيْزِ
شَاهِ الْحَاجِ. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيْقَ،
وَالصِّحَّةَ وَالسَّلَامَةَ مِنْكَ، لَوْلِيَّ عَهْدِ سَلَاطُوْر،
تَغْكُوْ اَمِيْر شَاهِ ابْنِ السُّلْطَانَ شَرْفِ الدِّيْنِ اَدْرِيسِ
شَاهِ الْحَاجِ فِيْ اَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ



يَا ذَا الْجَلَالِ وَالْإِكْرَامِ. اَللّٰهُمَّ اَطْلُ عُمْرَهُمَا
مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ
مَقاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi pekerti yang mulia, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana dan peliharalah kami daripada ajaran sesat seperti Syiah, Qadyani, dan lain-lain ajaran yang difatwakan menyeleweng dari ajaran Islam atau bertentangan dengan pegangan Ahli Sunnah Wal Jamaah. Ya Allah bukakanlah hati kami untuk mendirikan solat fardhu lima waktu, menunaikan zakat melalui Lembaga Zakat Selangor, mewakaf dan menginfaqkan harta melalui Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.
